

四庫全書

史部

欽定四庫全書

史部

至大金陵新志卷二

詳校官編修臣曹振鏞

檢討臣德生覆勘

總校官檢討臣何思鈞

校對官中書臣李荃

謄錄監生臣丁堂

繪圖監生臣羅善徵

欽定四庫全書

史部十一

至大金陵新志

地理類三

都會郡縣之屬

提要

臣等謹案至大金陵新志十五卷元張鉉撰

鉉字用鼎陝西人嘗為奉元路學古書院山

長至正初江南諸道行御史臺諸臣將重刊

宋周應合所撰建康志而其書終于景定中

嗣後七八十年紀載缺略雖郡人戚光於至

順間嘗修有集慶續志而任意改竄多變舊
例未為詳審復議增輯以繼景定志之後因
聘鉉主其事凡六閱月而書成首為圖考次
通紀次世表代表次志譜列傳而以摭遺論
辨終焉今本路儒學雕本印行至明嘉靖中
黃佐修南雍志尚載有此書板一千一百六
十四面是今所流傳印本猶出自原刻也其
書略依周志凡例而元代故實則本之戚光

續志及路州司縣報至事蹟其間如官屬姓名已入前志者不復具錄而世譜列傳則前志所有者仍摺載無遺體例殊自相矛盾又其凡例中以戚志刪去地圖不合古義譏之良是至於世表年表則地志事殊國史原不必仿旁行斜上之法轉使汜濫無稽戚志刪除深合體例鉉乃一概訾之亦為寡識然其學問博雅故薈萃損益本末燦然無後來地

志家附會叢雜之病其古蹟門中所載梁始
興忠武王安成康王二碑朱彞尊皆嘗為之
跋不引是書為證豈其偶未見與乾隆四十
六年十二月恭校上

總纂官臣紀昀臣陸錫熊臣孫士毅

總校官臣陸費墀

至大金陵新志原序

郡志之見於世者多矣其間名是而實非語此遺彼者比比皆是求其紀載有法序事詳密使人如身履其地而目擊其事者則百不一二見焉豈以其陵谷之變遷事文之繁縟故紀述有難詳與不然何其可觀者鮮若是哉甲申春浮光士張君鉉以其所撰金陵新志首藁見示其脩志本末畧曰首為圖攷以著山川郡邑形勢所存次述通紀以見歷代因革古今大要中

為表志譜傳所以極天人之際究典章文物之歸終以
摭遺論辨所以綜言行得失之微備一書之旨至其終
又曰文摭其實事從其綱亦詳矣哉是年夏集慶路將
以是編鋟諸梓上之臺僉曰善且以序見屬辭不獲命
應之曰是編首藁固嘗見之而有以知其叙事之詳也
使其中皆然豈不能使覽者如身履其地而目擊其事
哉予聞張君博物洽聞而作事不苟於是編也容有始
詳而終畧者乎是夏四月初吉奉直大夫江南諸道行

御史臺都事索元岱序

全史の目録

一

原序

修志文移

集慶路總管府承奉江南諸道行御史臺劄付據監察
御史索奉直呈嘗謂陵谷之在霄壤猶有變遷州郡之
闕古今豈無因革倘遺文之或泯奚往跡之能明切觀
景定建康志者地理有圖人物有傳溪山之勝靡不載
風土之宜岡或遺可以知羣賢出處之機可以見六朝
興亡之跡爰稽故實殊廣見聞惜故板之不存幸殘編
之僅在今不印證久必陸沉如蒙將見在全書責付集

慶路令儒學從新繡梓以廣其傳不特可備觀覽於邦人亦足以垂監戒於天下具於風化不為無補呈乞照詳施行得此施行間又據集慶路申據儒學申准本學周教授闕嘗謂郡有志書所以考古今之沿革政具方榮所以驗風俗之盛衰此季札過魯得以考歷代之禮樂為喜夫子言夏殷之禮亦以文獻不足為恨切見集慶一路舊稱三吳都會實為名勝之邦古今紀載山川景物英雄忠義之士不一而足至於志書歷宋景定年

至馬裕齋方行脩輯完備惜其舊板已經燒毀不存而
日近郡士戚光妄更舊志率意塗竄遂使名跡埋沒無
聞志士莫不惋惜今次莫若因舊志之已成增本朝之
新創重新繡梓印行亦為一代盛典豈不韙與然此未
敢擅便申乞照詳得此申乞照驗施行憲臺依准所言
合下仰照驗委官提調於本路儒學錢糧內支撥刊板
先具委定職名依准申臺奉此又准本路判官周奉訓
牒呈該准來牒備奉憲臺劄付委自當職提調重刊建

康志書等事除依准外切謂古者諸侯置史以紀國政采詩以觀民風此國有史記詩有國風之所由也後世州郡各為志書亦此之遺意如欲述方冊之舊聞所合著朝廷之盛治照得集慶為江南要郡自我朝混一迨今六十八年中間恩命之所加風化之所被臺察之設置州郡之沿革名宦之政績人才之賢否山川之變遷風俗之移易與夫忠臣孝子義夫節婦俱有關於政教甚大苟不廣其見聞攷之事實裒集成編以續前志歲

月既久漸致湮沉如蒙以禮敦請名儒赴學討論編輯以成其書庶見國家政化之隆臺察紀綱之重然此牒請施行准此行據本路儒學申准本學周教授明道書院房山長關照得景定舊志已行刊雕在手所有續纂新志非仗大手筆未易成就近聞陝西儒官張用鼎名鉉學問老成詞章典雅必得其人事能就緒然非致禮幣詣門敦請豈肯俯臨脩纂關請詳酌合用禮物以憑敦請施行准此議備禮幣移委本路判官周奉訓周教

授房山長等親詣寓所敦請於至正三年五月初十日
到局脩纂十月望成書計壹拾伍卷重行點校繕寫當
年十二月十二日本路帥府判劉知事王教授同於本
局關領呈臺至正四年三月內本路照得近奉憲臺劄
付為刊脩郡志事行下各州司縣儒學院務會集耆舊
儒職人等講論搜集申到置立衙門經理田土各各事
蹟移委判官周垚親賫禮幣禮請到奉元路學古書院
山長張鉉纂成金陵新志壹拾伍卷計壹拾叁冊發下

本路儒學校正去後回據狀申本學王教授與學正方
自謙訓導陳顯曾等校正相同如將前項新志刊板緣
實在學糧銷用不敷宜從總府從長規畫分派刊造便
益申乞照詳得此行下本路儒學與錄判王淵重行計
料板物工價叅詳張山長纂撰金陵新志壹拾叅冊儒
學會集儒職校正相同誠為有補於將來擬合刊板印
行以廣其傳分派溧陽州學刊雕五卷溧水州學明道
書院各刊三卷本路儒學刊造二卷及序文圖本照依

元料工物合用價錢於各學院錢糧內除破移委判官
師珍知事劉伯貞司吏朱謙監督併工刊雕申覆憲臺
照驗當年五月內承奉江南諸道行御史臺令史孔淮
承行劄付該來申為刊雕金陵新志板物價錢共中統
鈔壹佰肆拾叁定貳拾玖兩捌錢玖分玖釐送據照磨
所呈照算相同憲臺合下仰照驗依上施行承此

職名 一臺府
提調官掾

江南諸道行御史臺

御史中丞董守簡資善

都事樊執敬朝散

索元岱奉直

石思讓奉議

令史艾宗勉

蔡茂正

劉孟琛

孔淮

督工校勘典史陳以咸

集慶路總管府

府判周堯奉訓

師珍承直

知事劉伯貞

職名

二 臺
府官掾

江南諸道行御史臺

御史大夫托歡

御史中丞巴延

董守簡

任擇善

侍御史實保

馮思溫

王紳

治書侍御史順昌

秦從德

經歷道拉實

納蘇羅丹

都事樊執敬

索元岱

石思讓

照磨趙儼

默好古

管勾郭汝能

盖繼祖

監察御史阿爾斯蘭布哈 實巴爾圖

托歡

僧努

達實密

茂巴爾

太平

諤勒哲特穆爾

默爾吉濟特

瑪魯

諤勒哲特穆爾

張思誠

王武

楊秩

張珪

王多羅岱

李貞一

石思讓

王時可

鳴海齊

壽昌

趙翔

常有恒

王永澄

丁好禮

楊惠

令史蔡茂正

費詵

房圭

趙瑄

任性善

蘇德信

劉孟琛

薩題勒密實

孔淮

王鵬

額森特穆爾

李忠

梅友賢

艾宗勉

趙範

諤勒哲布哈

通事

巴延

譯史阿克實

喜山

安珠

知印寶柱

巴延

宣使段汝舟

德壽

和尚

吳謙

布延特穆爾

錫沙布哈

大悲努

烏呼訥

典吏張梓

吳允恭

許鎬

樂敬直

庫子劉允

郝元良

薩都拉

察院書吏

陳仲信

呂嗣祖

邵處義

周宗魯

慕完

楊旭

朱明實

劉偉

達實

張弘

武瑛

高守中

耿權道

石允中

額森呼圖克

邵忠

程伯榮

許瑞

呂謙

苑天常

集慶路總管府

達魯噶齊特哩

總管張塔海特穆爾

同知羅壘

治中廉青山

府判周垚

師珍

推官高仲榮

劉忠

經歷牛明善

知事劉伯貞

修志本末

一古者九州有志尚矣書存禹貢周紀職方春秋諸侯有國史漢以來郡國有圖志圖志兼記事記言之體自山川物產民俗政教沿革廢置是非善惡災祥禍福無不當載載而上之王朝修為通史著為經典則褒貶之義見焉金陵在禹貢為揚州歷代為都為國為州為府典章文物宜可攷徵而陵谷變遷事文散逸自宋以來病之今志畧依景定

辛酉周應合所修凡例首為圖攷以著山川郡邑
形勢所存次述通紀以見歷代因革古今大要中
為表志譜傳所以極天人之際究典章文物之歸
終以摭遺論辨所以綜言行得失之微備一書之
旨文摭其實事從其綱總為一十五卷卷各有類
類例繁者析為上中下卷具如後錄如其筆削以
俟君子

一金陵得名自楚威王築城石頭因山立號始見史

傳而山川形勢表然為東南重鎮則其來遠矣上

古帝王有建國朝會於斯若雲陽氏之居雲陽建康

丹徒接界有雲陽嶺詳見通紀夏禹之會皋神茅山詳見後山川志周初

太伯之國勾吳茅山古名勾曲形如勾己勾轉為句句容以是得名也近延陵瀨渚

皆吳境也春秋楚靈王之築城瀨渚見後古迹固城下皆見史

傳而年世悠邈事難詳究今依景定志以周元王

四年己巳越相范蠡築城長干為金陵城邑之始

斷自是年表其行事迄今至正癸未凡一千八百

一十五年損益舊聞附著時事首尾該涉粗為詳備而春秋以前事蹟散見諸篇文有錯互覽者詳焉

一金陵圖志存者惟唐許嵩建康實錄宋史正志乾道志吳琚慶元志周應合景定志而刻板已亡所見卷帙類多訛缺惟景定志五十卷用史例編纂事類粲然今志用為準式參以諸志異同之論間附所聞折衷其後至於事文重泛非闕義例者本

志既已刊行不復詳載

一古之學者左圖右書况郡國輿地之書非圖何以
審訂至順初元郡士戚光纂修續志屏却舊例并
去其圖覽者病焉今志一依舊例以山川城邑官
署古跡次第為圖冠於卷首而攷其沿革大要各
附圖左以便觀覽

一晉之乘楚之檇杭魯之春秋皆諸侯史也乘檇杭
缺亡不可復知以春秋經傳攷之諸所記載或承

赴告或述見聞其事有關天下之故者雖與魯無

預皆書於冊若蔡鄭會鄧齊鄭如紀鷓退石隕沙麓崩郭亡之類於魯無預或非赴告

亦書其非義之所存及聞見所不逮者雖本國事亦

或棄而不錄若隱公元年傳舉不書之例及隱桓莊閔之春秋其詞畧傳稱定哀之世

多微辭疑此皆非聖人筆削新意史策舊章固存之類

斯義脩景定志者用春秋史記法述世年二表經

以帝代緯以時地入事開卷瞭然與建康實錄相

為表裏可謂良史而戚氏譏其年世徒繁封畫鮮

述所作續志悉芟去之以論他郡邑可也而非所以言建康豈惟前代事蹟漫無統紀亦將使昭代之典闇而不彰今不敢從述世年表悉依前例

一建康自至元丙子歸附至今至正癸未六十八年典章沿革民俗得失視他郡宜多可紀而官府文案兩經焚燬故老晨星無從詢訪古云堂上遠於百里堂下遠於千里言相去益遠則見聞乖謬情志益難遽通况士民殊習朝野異趨偏辭隅論故

難据依今自丙子前雜稽史傳歸附後用戚氏續志及路州司縣報至事跡附以見聞可徵者輯為斯志信以傳信疑以傳疑所謂裨毫芒於泰山存十一於千百篇帙既繁不無缺謬與我同志者攷訂而附益之深所願焉

一除圖攷通紀外表志諸篇各有叙叙所以為作之意人物志析為世譜列傳皆據前史纂其名實鉅細兼該善惡畢著傳末例有論贊不敢僭越惟范

螽傳前志用吳越春秋及史記傳文辭頗蕪類今

略加潤色明李綱所以說高宗之意

螽非王者之佐也然金陵

城邑經始於螽六代建都因其遺跡故論者謂江左形勝古今一也范螽用之佐勾踐稱伯江淮由微弱以致富強孫皓陳叔寶用之則由強大而致覆亡易於反掌所謂無競維人在德不在險者著矣李綱說見未卷奏議

一歷代以來碑銘記頌詩賦論辨樂府叙贊諸作已

具周氏戚氏二志不復詳載今輯其篇第志於古

跡卷中其闕涉攷證者隨事附見自餘文記郡州

司縣采錄未完郡庠續為編輯附於志末

一溪園先生周應合宋末名儒其修郡志以馮制置
光祖供給搜訪之勤帥憲運漕諸府幙官論辨攷
訂之助數月成書猶多訛謬鉉也曩因授徒來往
是邦十五餘年雖嘗從諸縉紳先生遊覽商略得
其大槩而憂患之餘學荒辭陋誤膺郡聘無能為
役始自夏五入局編纂疲罄心思凡六閱月以仲
冬朔旦繕寫成編不敢上之太史列於掌故施之

承學或可資披證之萬一云

金定四庫全書

修志本末

新舊志引用古今書目

尚書

今文禹貢

汲冢周書

春秋左氏傳

周左丘明

春秋外傳

周左丘明

史記

西漢司馬遷

戰國策

漢劉向

吳越春秋

晉趙曄楊方

西漢書

漢班固

東漢書

吳謝承宋范曄劉昭

後漢紀

魏荀悅

三國志

晉陳壽

吳書

吳韋昭

晉書

唐太宗

晉陽秋

晉孫盛

晉紀 晉徐廣

晉記 宋裴松之

漢晉春秋 晉習鑿齒

宋紀 齊王智深

齊書 陳許亨

宋書 梁沈約

齊書 梁蕭子顯

梁書陳書 陳姚察

續晉陽秋 齊檀道鸞

南北史 唐李延壽

隋書 唐魏徵

唐書 宋歐陽脩 宋祁

五代史 宋歐陽脩

南唐書 宋胡恢 陸游

資治通鑑 宋司馬光

通鑑綱目 宋朱熹

宋鑑長編

宋李燾

金國志

宋季三朝政要

二王本末

宋陳仲微

水經

漢桑欽撰魏酈道元注

丹陽記

齊山謙之

京都記

齊陶季直

建康實錄

唐許嵩

金陵古迹編

宋石邁

六朝事類

宋張敦頤

六朝事類別集

宋吳彥夔

六朝進取事類

宋王謬

乾道建康志

宋史正志

慶元建康志

宋朱舜庸吳珩

景定建康志

宋周應合

句曲志

宋張侃

咸淳溧水志

宋周成之方遜

溧陽志

宋趙廓夫

古今州郡記

梁陶弘景

帝代年厯

梁陶弘景

風土記

晉周處

揚都賦

晉庾闡曹毗

揚州記

晉曹憲

搜神記

晉干寶

齊史十志

齊江淹

世說

宋臨川王劉義慶

吳地記

齊任昉

三吳決錄

齊孔道

淮海亂離志

梁蕭圓肅

梁舊事

梁蕭大園

輿地志

陳顧野王

地形志

隋庾季才

古今帝代記 後周明 克讓

區宇圖志 唐姚 思廉

梁實錄 梁周 興嗣

三十國春秋 梁蕭 方等

通典 唐杜 佑

元和郡國志 唐李 吉甫

方輿記古今國典歲時廣記 南唐 徐鍇

南唐近事 宋鄭 文寶

寰宇記 宋樂 史

輿地廣記 宋歐 陽志

祥符圖經

方輿勝覽 宋祝 穆

山川地理圖 宋程 大昌

通志 宋鄭 樵

路史 宋羅 泌

江表傳

吳錄

唐張勃

江乘記

六朝宮苑記

丹陽尹錄

苑城記

金陵六朝記

秣陵記

建康宮闕簿

江表志

唐十道四蕃志

宋朝事實

宋會要

江南野史

尚書蔡傳輯錄

董鼎

夷堅志

宋洪遵

茅山志

劉大彬
張天與

集慶續志

戚光

諸家文集詩集

金陵覽古詩

朱存陳軒揚
備馬之純

金陵百詠

宋曾極
陳鼎

金陵故事

名臣事畧

蘇參政
伯脩


欽定四庫全書

至大金陵新志卷一

地理圖

金陵山川封域總圖

元張鉉撰



大江

鍾山

五真山

孝義山

仁信鄉

上月山

杉風鄉

同山

良郎鄉

句容縣

句容縣

清風鄉

山

山

山

山

山

山

山

望仙鄉

來蘇鄉

句容縣

和泉鄉

福祚鄉

赤山

赤山

赤山

赤山

赤山

赤山

赤山

赤山

赤山

赤山

赤山

赤山

赤山

東

天亞山

長壽湖

正仁鄉

三茅峯

茅山鄉

孫仙鄉

崇德鄉

句容縣

句容縣

句容縣

句容縣

句容縣

句容縣

句容縣

句容縣

句容縣

句容縣

永成鄉

元泰鄉

謝塔邊

荆陽邊

荆陽邊

荆陽邊

荆陽邊

荆陽邊

荆陽邊

荆陽邊

荆陽邊

荆陽邊

荆陽邊

荆陽邊

荆陽邊

荆陽邊

荆陽邊

荆陽邊

本溪山

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

常州路宜興界

福賢鄉

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州

梁陽州


梁陽州

梁陽州

梁陽州

梁陽州

梁陽州



大邑四百里

至大金陵新志

二

金陵山川封域圖攷

輿地志云鍾山古金陵山也縣邑之名由此而立建康

實錄云楚威王築城石頭置邑以其地接華陽金壇之

陵故號金陵秦始皇三十六年以金陵為鄣郡治故鄣

屬吳興郡即今湖州路三十七年東遊還過吳從江乘渡望氣者

言五百年後金陵有天子氣因鑿鍾阜斷金陵長隴以

通流至今呼為秦淮乃改金陵邑為秣陵縣諸葛亮所

謂鍾山龍蟠石城虎踞真帝王之宅

今考故蹟左則方山石碗山之間右

則盧龍山馬鞍山之間耆老相傳以為始皇鑿斷長隴之所其秦淮經流三百餘里地勢高下屈曲自然必非人工所為或云始皇埋金玉雜寶於鍾山以厭王氣又云楚威王亦嘗埋金玉於此前志已力辨其非蓋古者帝王以金壁之屬禮祀山川於山則埋於川漬則沈始皇嘗埋壁茅山沈壁於江漢光武亦埋金玉於茅山頂故謂秦楚嘗埋金玉於此則或然謂以銷厭王氣則非也漢承三代舊制置揚州統

丹陽郡所領縣邑有今浙西浙東二道及江東道之半

吳晉宋齊梁陳代加分割隋立蔣州唐以隸潤州又改

昇州管屬始隘於舊南唐建金陵府縣邑猶更屬不常

沿革見後疆域志

迨宋為江寧府改建康府始定有今江寧上

元句容溧水漂陽之地東西二百三十五里南北四百

六十里東抵鎮江東南抵常州南抵寧國西南抵太平

西抵和州西北抵真州以大江中流為界山有蔣山即

鍾山金陵

在府城東北

茅山

在句容縣夏禹嘗登以朝羣臣見吳越春秋或謂在會稽

絳

巖山一名赭山乃丹陽郡所以得名

在句容縣

華山

秦淮所出在句

容縣

東廬山

嚴子陵所居在溧水州

長塘湖一名洮湖

在溧陽州五湖之一

丹

陽湖

在溧水州

中江九陽江

禹貢載三江既入中江其一在溧陽州界

皆江南道


名山巨浸在郡境中詳見後疆域山川志


南臺按治三省十道圖


欽定四庫全書

至大金陵新志

四







南臺按治三省十道圖攷

行御史臺至元十四年御史大夫相威於揚州初立統
淮東淮西山南及江南十道提刑按察司江淮諸行省
各道宣慰司皆隸按治二十八年按察司改名肅政廉
訪司二十九年因立河南行省以兩淮山南三道隨省
徑隸御史臺而行臺遷治建康始名江南諸道行御史
臺按治江浙行省先治揚州後移杭州江西行省先治吉安後移龍興湖廣
行省先治潭州後移武昌逐年以監察御史守省照刷文卷糾察

官吏不公不法按行體履各道廉訪司官吏聲蹟江東
建康道廉訪司治寧國太平池州廣德徽州饒州信州
諸路及鉛山州置司寧國江南浙西道治杭州平江湖
州常州鎮江建德嘉興諸路并松江府江陰州置司杭
州浙東海右道按治浙東宣慰司都元帥府及婺州紹
興處衢溫台慶元諸路置司婺州福建閩海道按治福
建宣慰司都元帥府及福州建寧興化延平邵武泉州
汀諸路置司福州

以上係江浙
行省地面

江西湖東道治龍興瑞

撫建昌臨江袁吉安贛南安南康江州諸路及南豐州

置司龍興海北廣東道按治廣東宣慰司都元帥府及

廣韶南雄肇慶德慶潮州諸路南恩新封桂陽連循梅

諸州置司廣州

以上係江西
行省地面

江南湖北道治武昌興國

岳常德澧辰沅靖州諸路及漢陽府置司武昌嶺北湖

南道按治湖南宣慰司都元帥府及天臨衡永全武岡

寶慶郴道桂陽諸路茶陵常寧耒陽三州置司天臨嶺

南廣西道按治廣西兩江宣慰司都元帥府及靜江柳

梧潯南寧慶遠諸路平樂府融賀桂容藤橫鬱林賓諸
州置司靜江海北海南道按治海北宣慰司都元帥府
及雷高化欽廉乾寧諸路南寧萬安吉陽軍置司雷州
其八番順元宣慰司都元帥府新添葛蠻都雲定雲等
處新得州軍民安撫司思州播州軍民宣撫司管轄金
竹鎮遠諸府隸西臺四川廉訪司按治左右兩江來安
思明太平鎮安田州五路及沿邊溪洞州縣不屬廉訪
司

以上係湖廣
行省地面

蓋今行臺所統得禹貢職方揚州全境

西南割荊州之半在唐為江南道而今州司縣屬羈縻

之地視舊尤加廣焉

唐書地理志江南道蓋古揚州南境漢丹陽會稽豫章廬江零陵桂

陽等郡長沙國及牂柯江夏南郡地潤昇常蘇湖杭睦
越明衢處婺溫台宣歙池洪饒吉袁信撫福建泉汀漳
為星紀分岳鄂潭衡永道郴邵黔辰綿施叙獎夷播思
費南溪溱為鷄尾分為州五十一縣二百四十七其名
山衡廬茅蔣天自天台會稽四明括蒼縉雲金華大庾
武夷今池陵南郡地屬山南八番地在唐為徼外其他
州郡名改
易不同

行臺察院公署圖

次定回軍台野

禮勤堂

水鄉


東


居子堂

至大余溪村

行儀堂


八





西

九



行臺察院公署圖攷

行臺公署宋初為轉運使在江寧府治東南府治在南
唐宮城今之舊內高宗紹興三年以府治建行宮遂改
轉運司衙為建康府治凡曰行宮留守司江東安撫司
沿江制置司兵馬總管都督皆知府兼之其公署創建

雄盛

有設廳居中左右修廊戒石亭在設廳前儀門即
戟門在戒石亭南左右列戟惟郡守出入則開府

門在儀門南鼓角樓在府門左時避行宮不建譙門清
心堂在設廳後忠實不欺堂在清心堂後扁乃理宗所
書賜馬光祖前有二齋左曰雲瑞右曰日思靜得堂在
忠實不欺堂後以光祖三任知府改名三至玉麟堂在

忠實不欺堂左後瞰清溪前臨芙蓉池喜雨軒在前恕齋在後有竹軒在旁靜齋在右學齋在左錦繡堂在玉麟堂左本紹興三十年樞密使王綸知府事所建初名畫錦後改今名上為忠勤樓扁皆理宗御書庭中左右植金華二石以屋覆之前為木犀臺又前為碑亭有三段石有堂在左曰水鄉西廳在忠實不欺堂之右別有鎮青堂在府廨東北其上為鍾山樓其後為清溪道院木犀亭曰小山菊亭曰晚香牡丹亭曰錦堆芍藥亭曰駐春皆在堂左疊石成山上為亭曰一丘一壑下為金魚池亭曰真愛其南為曲水池亭曰觴詠又其西為杏花村桃李蹊亭曰種春竹亭曰深淨梅亭曰雪香海棠亭曰嫁梅皆在堂右清溪一曲環其前左有橋通水鄉名小垂虹右有橋通錦繡堂榜曰藕花多處皆郡圃也其堂之與榜曰紬書景定修志其中故名堂之東便門通清溪道中西花園在安撫司僉廳西馬光祖改為惠民藥局看憲二所一在西花園東南臨御街榜曰缺

後改為軍裝局一在嫁梅亭後臨東虹橋安撫司僉廳
在西廳西其後有芙蓉堂西為三聖祠制置司僉廳在
儀門東有籌勝堂君子堂南通清溪又有集思堂及便
廳建康府都僉廳在南門西西廳之前通判有三廳東
廳在儀門左有朝陽亭西廳在儀門右有思政堂南廳
在府門西南僉書節度判官廳在府門內之左通判官
廳南節度推官廳在府門內右通判西廳之左添差節
度推官廳在西夾道買民屋所改觀者推官廳在府門
內左僉判廨舍南錄事參軍廳在節推廳南司理廳有
二左院在節推廳後有式敬齋右院在西通判廳後司
戶廳在府門外東南司法廳在府西南以上並據景定
志所記與乾道志不同蓋自乾道至景定數十年間更
易多矣今集慶舊規大抵皆馬制置光祖所記

至元十二年二月左丞相淮安

忠武王巴延平章河南王阿珠於府治開省冬十月行

省起兵屯駐瓜州宣撫司於內治事十四年宣撫司罷
就為建康路治尋為江東宣慰司治所至元二十二年
江淮等處行樞密院即宣慰司開院即宣慰司移治西
錦繡坊大軍庫內其明年行御史臺移治建康即樞密
行院置臺而密院徙於宋轉運司置院二十六年行臺
徙移揚州二十九年立名江南諸道行御史臺自揚州
復還建康仍以前治為行臺公署察院在臺右即宋制
置司西廳後至元二年重建正廳仍用忠實不欺舊扁

中丞資善張公起巖作記

記曰洪惟聖元撫有方夏世祖皇帝混一區宇建行御史


臺以奠南服肇治惟揚最後移治建業綜臨憲司十道
行省行院之在江表者咸屬按劾其治所即勝國安撫
留守舊署繇厯歲久棟宇摧腐凜焉懼其將壓御史大
夫伊實通幹圖惟載新浴于中臺丞相駙馬都尉達實
特穆爾爾繼為大夫復以言臺議是之得請于上乃以治
書侍御史圖嚕綱維是役撤舊起廢構材庀工為堂于
中複屋前連宏敞清邃為廳于後一如堂制高朗靖深
挾拓有加旁翼以室以為廳事之所爽密異致暑寒攸
宜中為長廊接棟旅楹于午貫達為經厯司于堂之左
為燕息之齋于堂之右揭以忠實不欺之扁示存舊也
咸謂宜有紀述今御史大夫巴爾噶齊屬予記之惟太
微執法垂象吳穹臺諫職司準茲呈蹙繩愆糾繆公論
攸在皇朝疆域之廣度越前代聲教所暨無間遠邇天
子耳目之寄屬之憲臺南臺所控臨地曠事繁荆吳百


粵迨于要荒民隱披露罔或壅遏公方材諳罔或滯淹
賦私殘暴罔或蔽匿舉揚搜捕剖析釐正公道廓清紀
綱振肅是則委任責成之意矧茲臺治輪奐一新衆庶
所瞻于以聳動于以矜式凡蒞是者盍思稱副而無愧
負也哉必也貪夫培利有以治之酷吏戕民有以詰之
濫官敗俗有以糾之邪入蠹政有以去之使循良者得
以成其治抑屈者得以申其情困乏者得以休其力耕
鑿者得以安其生長良之官一以承流宣化為務而無
虐無擾有位之士一以清心潔己為先而無怠無縱吏
之昏塞疲懦一皆警發振厲而無廢其事民之林林總
總一皆成德嚮風而無麗于刑斯謂能舉其職而無忝
矣其或倚法作威以陷善良黨惡植私以專報復恥過
遂非以欺單弱疆辦矯誣以紊條格數減典常曾不顧
省則貽伊戚鬼得而誅矣敢以斯言為告以儆君是職
者而是役之經始落成年月與夫財用之給于官木石
瓦甃匠夫之數不著著其切於風紀之大者是為記通


奉大夫江南諸道行御史臺侍御史張起巖記中議大夫江南諸道行御史臺經歷蘆惠山凱雅書承德郎江南諸道行御史臺監至正二年建察院及儀門兩廊曹察御史孔思立篆額

幙規制視舊有加錦繡堂忠勤樓及制置僉廳皆為臺官廨宇左司理院為司獄司右司理院為永豐庫餘皆廢易不可詳攷

舊建康府城形勢圖







舊建康府城形勢圖攷

建康舊府城周二十五里四十四步上濶二丈五尺下
濶三丈五尺高十丈五尺內臥羊城濶四丈一尺皆楊
吳順義中所築也六朝舊城在北去秦淮五里故淮上
皆列浮航緩急則撒航為備孫吳浚淮立柵前史所謂
柵塘是也至吳王楊溥時徐溫改築稍遷近南夾淮帶
江以盡地利城西隅據石頭岡阜之脊其南接長干山
勢又有伏龜樓在城上東南隅宋開寶以來城皆因舊

凡八門由尊賢坊東出曰東門由鎮淮橋南出曰南門
由武衛橋西出曰西門由清化市而北曰北門由武定
橋沂秦淮而東曰上水門由飲虹橋沿秦淮而西出折
柳亭之前曰下水門由斗門橋西出曰龍光門由崇道



橋西出曰柵寨門


紹興後守臣史正志修築加女牆馬
光祖浚濠增築創硬樓四屋百七十



餘間柵寨門創硬樓七間及武臺鐵門鐵水牕等浚濠
遠城四十六百七十有五丈深丈有五尺濶三十丈濠
之內築羊馬牆乾道志云柵寨門在城西門近南鑿城
立柵通古運瀆不詳其始後置閘以泄城內水入于江
俗呼為濟秦門今
呼鐵牕子是也
城內之北有舊子城宋初為府治後

改為行宮亦始築於南唐也詳見古蹟志及後路治圖
攷

集慶路治圖







集慶路治圖攷

司屬諸衙門及新創祠宇寺觀附見

臺察公署見前圖攷至元十二年二月立建康宣撫司

就行省所居前宋府治及舊行宮直廳內置司兼管軍

民十四年設江東道宣慰司改宣撫司為建康路總管

府宣撫廉希愿陞宣慰使仍兼本路達魯噶齊府治就

僉廳君子堂內署事至元十六年廉宣慰陞行中書省

左丞不兼路事總管府始於西錦繡坊舊大軍庫內置

府

今御史大夫廨舍

至元二十二年以宣慰司為樞密行院宣

慰司遷居總管府治府遂遷伏不常亦於今上元縣治
及軍器庫內置府元貞二年總管廉希哲到任請於上

司以西南隅銀行街舊東南佳麗樓為府治

舊為賞心樓基景定

元年馬光祖改建今樓大德二年徙路治其中撤亭為廳揭堂曰公明名軒曰

悅恕設鼓角樓置按牘架閣庫大德四年又遷治於舊

轉運司

今龍翔寺基

大德十年本路治中楊翼稟於行臺廉

中丞復以佳麗樓建治與總管岳天禎等僉議興役以

濟饑民重蓋廳舍堂宇又脩倉廩金陵水馬二驛平準

行用庫東西織染兩局廣惠祠武定飲虹二橋教授游
鄭良撰記天曆二年改集慶路至正二年三月一日遺

漏府譙樓及兩廊架閣庫文卷一空達嚕噶齊特哩總

管張塔海特穆爾同知羅壘府判周垚推官高仲榮劉

鍾經歷崔勤知事劉伯貞協力重建門樓廊廡是冬落

成仍以舊層樓為更鼓樓在西南隅宋制在城錄事司

舊遞鋪營司獄司舊左司永豐庫舊右司理院今遷建鄴軍

器雜造局舊都作院都稅使司舊都統司平準行用庫

及雜造局

都錢庫

舊東助 本路架閣庫舊廣 大軍倉舊平 萬戶府公廨舊

擊軍 龍灣軍營舊遊擊 益都新軍營舊東北隅戎 北門

軍營舊准 翔鸞坊軍營舊小馬 養濟院 安懷院舊遊擊

教場舊御 金陵水馬二驛舊制司二參謀 西織染局舊

衛馬 東織染局舊宋 江寧縣治舊縣 上元縣治路學明

道書院二縣學各仍 南軒書院舊儀 江東書院舊呂平

陰陽教授司西南隅 三皇廟在舊永寧 蒙古字學

行街內公 社稷風雷雨師壇舊在水西門裏 城後大

龍翔集慶寺

前宋轉運司治所舊為行樞密院按察司
廉訪司財賦提舉司公廨又為潛邸改剏

今帝師寺

保寧寺
西北

永壽宮

舊天慶觀
又名玄妙

昇龍觀

舊三茅
沖虛庵

河

南王宅

舊總
領所

在城養濟新院

在乾道
北橋


江寧養濟新院


南門


外破
街口其餘宮府臺榭庵觀寺院廟宇詳見古蹟及祠祀

志

益都路萬戶府鎮守地界圖







益都新軍萬戶府鎮守地界圖攷

建康府前宋屯駐水陸馬步兵通十五萬餘人營寨叅
錯府城內外於管屬泇江要害去處設八屯曰下蜀曰
馬家步曰沙河曰韓橋曰王家沙曰新開河曰下三山
曰汪蔡港句容漂水漂陽復各有管界巡檢下蜀東陽
山前舊縣諸寨

詳見後
兵防志


國朝初下江南凡襄陽南伐之

兵多留建康福建廉萬戶保定張萬戶秦州孟萬戶常

州宋萬戶寧國喬萬戶統諸奕軍相繼鎮守江淮行樞

密院復於河南省管下斬黃鄧新等奕撥軍二千餘人
於龍灣屯駐教習大德元年益都新軍萬戶府全奕自
寧國遷鎮建康於前宋遊擊軍營內置司逐年差千戶
百戶鎮守溧陽等處及守把江面要害詳見後巡檢設
司一十二處州捕盜司縣尉司各有弓兵巡防警捕隸
有皆管領

江寧縣圖



太平界

大干寺

橫山北鄉

銅山鄉

震舟鄉

岡井

隆陽山

山烈

浮沙洲

三城鎮

太平湖

三山

江寧鎮

惠化鄉

天橋站

開元鄉

陸子洲

板橋

光宅鄉

新橋口

建業鄉

西

門相寺

崇西寺

門山廟

江關

高江沙

新開卷山運河碼頭

沙洲鄉

關

湖馬莊

廣陽山

新開河口




江寧府



關

關



江寧縣圖攷

江寧縣歷代沿革見後疆域志古城在今城西南七十里南臨江寧浦周六里四十步其地仍在縣境江寧名本在上元之先今縣則南唐割上元南十九鄉所置

新志以古迹開故

以江寧居諸縣之首

宋因唐舊治在今城北門壽寧寺北有縣丞廨

縣衙

主簿廨

丞廨

尉司

司門外西街越臺南

至元十四年城內置錄

事司乃撤舊

闕

廨於尉司建今縣治東西八十五里南北

闕

十八里東至上元縣界舊以御街中分今抵

闕

事司城

門爲界西至和州烏江縣界四十里鰻鰲洲大江中流爲

界南至溧水州界九十關里以烏剎橋爲界北至工元縣

界五里以金陵鄉爲界所管二十三鄉八十六里湖山車


府山祖堂山皆在縣南銅山縣東鼓吹山在縣南龍山當塗橫山

接太平州界牛頭山即天關山縣南山有石窟辟支佛所出山南有大石鼓天欲雨則鳴上有

宋南郊壇大青山縣南陰山縣西南關山西南臨大江西北抵江婁湖高

亭湖劉陽湖石湖銀湖河湖三城湖皆在縣境詳見後

諸志




北

長寧鄉

句容縣外

東

南



上元縣圖攷

上元縣置於唐上元年間舊建康附郭止設一縣名稱

數有更易為江寧為白石為歸化

詳見年表

治亦屢遷最後

名上元其境即今上元舊地唐治所在今永壽宮之東

臨運瀆雖莫詳其所遠近尚可約知光啟中復徙於鳳

臺山西宋初遷於南唐司會府在今臺治東後軍營內

建炎中徙今治所歸附後因宋舊治

乾道志知縣廨舍在城東門內

有

存愛堂

在西偏以明道先生曰一命之士苟存心於愛物於人必有所濟先生嘗為上元主簿故摘存

愛二字名堂後更縣衙主簿縣衙東明道書院左主簿巷內

名存心姚希得記

東南

尉司解

縣衙

地東西九十五里南北八十五里

院左主簿巷內

尉司解

東門外南路北今尉司

東至句容縣界八十里以周郎橋中分界西至江寧縣

界舊以御街中分今抵錄事司城門為界南至江寧縣

界七十里以永豐鄉白米湖為界北至真州六合縣界

四十九里以瓜步大江中流為界所管十八鄉五十二

里

詳見疆域志

石頭山

在府城

蔣山

府城

廬山馬鞍山

縣西北二山間

秦鑿為二有都船場聖妃廟至今溝内石骨相連

臨沂山

縣東

攝山

縣東

方山

一名天印山

縣東南即秦所鑿長壠之所今有直瀆接石碗山


鴈門山


縣東南秦


淮水西北貫城中北抵大江中有玄武湖亦通秦淮皆


在縣境詳見後諸志

句容縣圖









句容縣圖攷

句容縣自漢晉以來名稱不易今城不知所始有東西南北白羊上羊六門城周三百九十丈上濶九尺下丈二尺東西長九十丈南北八十五丈舊志以為縣之子

城今縣解宇仍宋舊治

唐天祐六年知縣邵全邁造

有華陽道院

縣志

縣衙在縣城正北嘉定間重建樓門有宣詔頌春亭琴堂華陽道院後園有秀陰堂改名愛山又有平易堂畫簾拙逸不欺讀書林卷雨淨友皆軒齊名冰玉軒琴月軒張渠有記東軒有騎省石主簿廳在縣治東有喜齋縣丞廳又在東有簡靖真清等堂其地今併為際留倉土地廟尉司在縣治西有宣威堂蘭菊軒又清佐閱武

二亭
今廢

天德十年監縣達勒達縣尹趙靖因前令田郁舊

規改創今治尉司廨亦改創縣治東縣學城隍祠仍舊

有梁昭明文孝皇帝廟

在縣治東

達奚將軍廟

縣治東南

地東西

七十里南北一百二十里東至鎮江路丹徒縣界五十

里以山口為界西至上元縣界二十里以周郎橋中分

為界南至漂水州界六十里以丁塘村為界北至真州

揚子縣界七十里以下蜀大江中流為界所管十六鄉

五十八里茅山大茅中茅小茅諸峯良常山秦望山青

龍山

周迴一百五十餘里在縣東南

絳巖山

縣西南

銅山竹里山

皆在北

山竹山吳山

皆在縣界


赤山湖


在縣西南出絳巖山周界一百二十里下通秦淮


皆在

縣境詳見本縣志及後山川諸志

漂水州圖







漂水州圖攷

卷一

漂水州元貞以前為縣自隋開皇十一年割漂陽縣之西置漂水縣今城疑自隋築周五里七步子城周一里一百一十四步上闊五尺下八尺縣城五門東曰愛景南永安西臨淮北望京東南尋仙縣治在秦淮北舊有

鼓樓正廳東廳極高明樓蕭間堂正靜堂君子堂

東廳有校

官碑及劉漫塘縣箴有竹益得初二齋弦歌堂姑射亭月臺隔浦深窈仰高三亭縣丞廳在縣北仁和坊街西廳事有山谷四民帖周吳成題名石刻有共濟堂簡靖聽松種學南漪四軒主簿廨在縣治內今為捕盜司尉

廳在惠政橋北有二李亭後名雙玉廬山李公擇父為尉時與兄野夫讀書之所廨後有鷓鴣灘今為中山馬驛凡舊官廨兵國初縣陞為州元貞二年知州儀叔安火皆廢不存

重創今治後又建中正堂惠民局

在州治東

際留倉

在懷廳南

架

閣庫

幕廳東

稅務

在惠政橋南

州學

即舊縣學

社稷壇

州南

三皇廟

州西

表孝坊宋永豐倉

嶽廟

州治東北

城隍廟

州治東

劉府君張將軍承烈

廣福王各有祠宇地東西八十二里一百三步南北一

百五十五里三十八步東至句容縣界三十七里以浮

山頂為界西至上元縣界三十五里以烏石橋為界南

至寧國路宣城縣一百一十里以四牌岡為界北至江

寧縣界四十五里以上義山為界所管十七鄉四十七

里溧陽山

州東南

濁山

州東南秦淮之源

東廬山

在州東南丹陽分界水源有三

西流者入秦淮東北流者入馬沈港東南流者入丹陽湖

杜城山

在州南

石城山

州東南

稟丘山

在州西

石羊山鳳栖山澳洞山

皆州西南

游子山

州南

峯山官塘山荆山仙杏山

皆州西南

銅山

州西

芝山

上有李洞燕洞在州

東丹陽湖

州西八十里周百九十五里中流與太平當塗縣分界此水本由五堰自常州宜興入太


湖今已堙塞


固城湖

州西南九十里周百里有城北三十里東西二十五里環楚王故城有水四派湖

中流與太平分界與丹石臼湖州西南四十里縱五十里
陽石臼號三湖相連接石臼湖里衡四十里西連丹陽
湖湖中有軍山塔皆在州境詳見本州志及後山川諸
子馬頭雀壘四山

漂陽州圖





溧陽州圖攷

卷一

溧陽州歸附以前為溧陽縣漢縣城在溧水固城唐縣城在州西北四十五里即舊縣村巡檢寨基唐天復三年移治今所南唐昇元二年築城周四里二百九十四步高一丈一尺上闊一丈下二丈八尺壕闊五丈深五尺宋建炎中展入青安草市增廣二里今周六里有餘水陸門七東曰迎春南迎夏西迎秋北迎冬西北曰青安上水門曰清暉下水門曰挹秀元貞元年陞州州治

仍宋縣治在城內市心有無倦堂

舊有手詔亭頌春亭
八如齋遠迤齋西齋

無愧堂讀書堂清間堂煙艇室間風臺大圓鏡亭渌淨亭煙波亭皆知縣陸子通李大原所創縣丞廨在州治

東有來月堂今為郵亭主簿廨在丞廨東有鳳栖軒今為蒙古字學尉司在主簿廨東有懷曜軒以孟東野謚

貞曜也凡官廨損益改創皆非舊制州學即舊縣學有織染局稅務館驛

捕盜司

皆在州永定坊

城隍廟

在州登俊坊

祠山真君廟

在州招遠坊武

烈大帝廟

在東門外

顯惠即史祖侯廟

在永成鄉

史貞義女廟

在明

義鄉中江橋

五顯廟

在州招遠坊

趙城明王廟

福賢鄉下橋里

東嶽廟

在福

賢鄉下橋

赤鄒將軍廟

在福賢鄉屠塘

茅司徒廟

在福賢鄉馬店

社稷風雷

雨師壇

在州西門外

地東西一百五十里南北一百六十里

東至宜興州界一十五里以葑埭牌為界西至溧水州

界八十五里以三塔墩為界南至廣德路界七十里以

石屋山分流為界北至金壇縣界八十里以長塘湖港

菰場為界所管十三鄉十八里桂林山盤白山伍牙山

荆山鐵冶山

皆在州西南

龍潭山懸鼓山

皆在州南

鐵山銅官山

皆在州

東瓦屋山了頭山

皆在州西北曹姥山

州西北有聖姥廟

呂長山

州西有呂

將軍廟

芝山

州西舊傳梅福隱此

長塘湖

在州北五十里周百五十里接金壇宜興二界舊

名洮湖中有大巫小巫山虞翻曰洮湖洮湖射湖貴湖及太湖為五湖並太湖之小支俱連太湖故太湖兼得

五湖之名千里湖在州東南十五里陸機云千里蓴羹末下鹽豉至今產蓴俗呼千里滄與故縣滄相

連或說千當作芊末作秣秣下即秣陵從省文耳昇平湖州西七十里水自漂水州五堰東流入湖


連入震澤即古中江所逕有溪自建平縣來會三塔湖一名梁城湖在州西七十里周十

八里西南與瀨陽衍在州西三十六里衍即滄字吳音訛耳西接三塔衍北接新昌衍連

昇平湖相接永陽江葛涪衍出州西北東流入湖今衍地多成圩田僅存一派皆在州境詳見本州

志及後山川諸志

集慶路學圖



北

縣

先賢祠

學錄廳

東


學錄廳

王地祠

學府

碑

南



路學新圖攷

南唐都建康濱秦淮開國子監

今鎮淮橋北御街東舊比較務即其地里俗呼

為國子監巷

宋雍熙中有文宣王廟在府西北三里治城故

基天聖七年丞相張士遜出為太守奏徙廟於浮橋東

北建府學給田十頃賜書一監景祐中陳執中又徙于

府治之東南

即今學基

建炎兵燬紹興九年葉夢得更造學

援西京例奏增置教官一員

見後年表

淳熙四年劉珙重修

慶元二年張杓建閣以奉御書閣下建議道堂淳祐初

年別之傑增修學宇六年趙以夫即命教堂更名明德
增造兩廊以妥從祀十年吳淵列祠先賢增學廩創義
莊寶祐中馬光祖興學校集周漢以來名賢贊而祠之
大成殿在靈星門北戟門內從祀位在兩廊御書閣在
明德堂後講堂即今明德堂議道堂在御書閣下齋舍
東序三曰守中曰進德曰說禮西序三曰常德曰育材
曰興賢祭器庫二一在大成殿前東廊之南一在御書
閣東偏公厨在東序後射圃在義莊倉之西有亭名繹

志後改正己堂大德四年秋八月廟學災惟存尊經閣
及二教授廳七年總管陳元凱重建今學

臺城古蹟圖

武定 苑遊樂 歸從 城都 極西 門三 夏大 莫廣 明承 經溪 青發 東溝 湖

自樂遊苑東門橋至東府城
東南青溪大橋皆青溪所經

永安宮

熹門

平

陳改捷

莫門

齊改寧

玄武

鳳雉

又名冠爵
昌門
宋改廣莫

晉改後
東門
水南

東

龍門

東

東

東

瑞

至大金陵新志

宋改南中

章門

大司

章門

宣陽

三十九

太子宮

東府城

東府城

東府城

蘭宮

清明門

太廟
太社

宋改津陽

開陽門

宋改南掖

閭

晉改
應門

今臺有後自東城入經津橋西柵門濼門蓋青溪之流非若古跡御道

寺普歸

湖

善寺而南角出至西明門接濟蓋自古城西行若皆運也

門

同泰寺

大夏門

大道門

門

華景天
林閣池
園榭

掖門

吳苑倉

孝義橋在此由西明閣出至西州城東南柳靈寺波即運濟

門

十梁門

神武門

西華門
舊名西華
吳苑

鼓

梁堅陽

衛門

舊太子宅
太子清遊池
吳苑苑

馬門

西掖門

古建郡
縣治

關門

聽訟門

陵

宋陵廣陽
尚陽門

西門

東門

西州城
唐江寧縣治

外圍以宣陽門為中者晉名苑城即吳都城舊趾周二十里一十九步內圍以大司馬門為中晉成帝新作新宮一名臺城周八里內圍之次即梁武帝所作宮城牆立重門開二道諸門名晉宋齊梁陳更易不同今以其可攷者道之

按舊志成陽門內有晉建鄴縣城城西二里即唐縣城縣城西即吳冶城城內西則有卞將軍墓齊何點所居東籬門乃東府之西西州之東故圖經云西州城未有籬門立烏榜與建康分界後名其地為烏榜村在天慶觀西南今永壽宮是也

臺城古蹟圖攷

古都城宮苑記吳大帝所築周迴二十里一十九步在
淮水北五里黃龍元年自武昌徙都晉元帝初過江不
改其舊宋齊梁陳皆都之宋世宮門外六門城設竹籬
至齊高帝建元元年有發白武樽言曰門三重門竹籬
穿不全上感其言改立都牆本紀建元二年立六門都
牆是也其後增立為十二門云

臺城一曰苑城本吳後苑城晉成帝咸和中新宮成名

建康宮即世所謂臺城也在上元縣東北五里周八里

濠闊五丈深七尺今胭脂井南至高陽樓基二里即古

臺城之地盡為軍營及居民蔬圃

實錄注苑城即建康宮城吳之後苑地一

名建平園又云臺城南正中大司馬門南對宣陽門相
去二里宣陽即苑城門則臺城在苑城內明矣宮苑記
云古臺城即建康宮城本吳後苑城晉咸和中修繕為
宮輿地志云都城南正中宣陽門對苑城門其南直朱
雀門正北面宮城無別門乃知苑城即宮城在都城內
近北明矣臺城南面開四門北面二門東西面各一門
宮城內有二重宮牆周迴五百七十八丈南面開二門
北面二門東西面各一門第三重宮牆南面一門東西
面各一門又云同泰寺與臺城隔路今法寶寺及圓寂
寺即古同泰寺基故法寶亦名臺城院以此考之法寶

圓寂寺之南蓋古臺城也晉書成帝時蘇峻作亂焚燒宮室溫嶠以下咸議遷都惟王導固爭不許咸和五年作新宮始繕苑城六年遷于新宮即此城也唐史張雄使別將趙暉據上元暉恃其才欲治臺城為府是比城唐未尚存至楊吳時改築而城遂廢矣

古都城門晉書成帝作新宮繕苑城修六門

實錄注云六門都城

門也晉初但有陵陽門後改為廣陽門內有右尚方世謂尚方門次正中曰宣陽門本吳所開對苑城門世謂之日門晉為宣陽門門三道上記重樓懸楯上刻木為龍虎相對皆繡栢藻井南對朱雀門相去五里餘次最東曰開陽門宋元嘉二十五年改開陽曰津陽東面最南曰清明門門三道對今相宮巷門東出青溪橋巷尚書下舍在此門內正東曰建春門後改為建陽門門三道正西曰西明門門三道東對建春門即宮城大司馬

門前橫街也。正北面即宮城無別門。又按宮苑記凡十有二門。南面最西曰陵陽門。後改為廣陽門。正門曰宣陽門。次東曰開陽門。後改為津陽門。門三道。直北對端門。最東曰清明門。直北對延熹門。當二宮中大路東面。最南曰東陽門。直青溪橋巷。即今湘宮寺門路。最北曰建春門。陳改為建陽門。西對西明門。即臺城前街。街北面最東曰延熹門。南直對清明門。當二宮中大路。次西曰廣莫門。門三道。陳改名北捷門。北直對樂遊苑。南門次西曰玄武門。門三道。齊改名宣平門。北直趨玄武湖。大路最西曰大夏門。南直對廣陽門。北對歸善寺。門西面最北曰西明門。直對建陽門。即大司馬門前橫街。是最南曰閭闔門。西直對東陽門。詳考宮苑記陵陽。宣陽。開陽三門與實錄所嚮皆同。唯清明門在南面。最東而實錄乃在東面。最南今以宮苑記北對延熹門。證之。即實錄誤矣。又實錄云正東曰建春。正西曰西明。宮苑記乃在東西面之。最北其最南。又有東陽。閭闔二門。蓋實

錄都城止六門而宮苑記之門乃十有二宋紀獨載元嘉二十五年新作閭闔廣莫二門其餘延熹玄武大夏東陽四門不見建立之始實錄元嘉二十五年四月新作閭闔廣莫等門改先廣莫曰承明然則此六門皆同時作史畧之爾然東西二門相對實錄宮苑記皆云大司馬門前橫街則知東西舊止二門各正所嚮後又增立二門故以南北別之也又按宋元凶劾作亂閉守六門於門內鑿塹立柵齊建元中始立六門都牆梁侯景濟江韋黯屯六門皆止言六門而元凶劾傳又云同逆先屯閭闔門外臧質從廣莫門入乃知六門為正門後所立六門皆便門也故史不載閭闔廣莫等門作於元嘉二十五年元凶劾之亂乃三十年云

古建康宮門晉成帝咸和七年新宮成名曰建康宮開五門南面二門東西北各一門宋文帝元嘉二年於臺

城東西開萬春千秋二門陳宣帝大建二年改作雲龍

神武二門

按建康實錄注南面二門正中曰大司馬門世所謂章門拜章者伏於此門待報南對宣

陽門相去二里夾道開御溝植槐柳世或名為闕門近東曰闕闔門後改為南掖門門三道世謂之天門南直蘭宮西大路出都城開陽門其北面平昌門則上有爵絡世謂之冠爵門南對南掖門宋永初中改宮城北平昌門為廣莫門至元嘉二十五年改先廣莫門曰承明門又云南面端門夾門南大鼓在兩塾之南並三丈八尺圍用開閉城門日中晡時及晚並擊以為節夜又擊之以持更宮苑記南掖門宋改闔闔門陳改端門東西二門考之實錄已不可見可見者唯南面二門與北面一門而已又按宮苑記晉成帝修新宮南面開四門最西曰西掖門門三道並重冲正中曰大司馬門門三道起三重樓直對宣陽門次東曰南掖門宋改闔闔門陳

改端門南直對津陽門北對應門最東曰東掖門門三
道南直對蘭臺路東面正中曰東華門門三道晉本名
東掖門宋改萬春門梁改東華門北面最東曰承明門
門三重本晉平昌門南直對東掖門東掖門疑即南掖最
西曰大通門上重西面正中曰西華門晉本名西掖門
宋改千秋門梁改西華門凡八門比建康實錄所載多
五門梁天監十年初作宮城門三重樓及開二道又按
宮苑記建康宮城內有兩重宮牆南面開二門西曰衙
門隱不見南西掖門東曰應門晉改名止車門南直對
端門即晉南掖門也東面正中曰雲龍門北面正中曰
鳳粧門近西曰鸞掖門西面正中曰神武門凡六門第
三重宮牆東直對牆南面正門曰太陽晉本名端門宋
改為南中華門東面正中曰萬春門直東對雲龍門西
對千秋門西面正中曰千秋門西對神武門東對萬春
門凡三門建康實錄皆不載以宮殿證之雲龍門是二
重宮牆東西門對第三重宮牆萬春門神武門是第二

重宮墻西面門對第三重宮墻千秋門東西相望按圖
可攷足以想見臺城門闕之盛然晉成帝時已有雲龍
門蘇峻作亂羊曼為前將軍率文武守此
門是也以上宮城諸門攷證詳見古蹟志

冶城古蹟圖

東



真治城晉西園朱檻
 觀楊吳建紫極宮宋改
 天慶觀入改神符宮
 元立改玄妙觀令改大
 元興永壽宮于靈臺在
 其西謝公墩是在後


浮梁

東方文



廚房





關


三三三三三三三三三三

卷一


欽定四庫全書

至大金陵新志

四十六



卷一



茅山圖攷

茅山在句容縣東南四十五里周迴一百五十里初名句曲山像其形也茅君得道更名曰茅山三十六洞天

之數第八曰金壇華陽之天此山是也

史記禹封泰山禪會稽晉灼曰

本名茅山吳越春秋云禹巡天下登茅山以朝羣臣更名茅山為會稽亦曰苗山茅山記曰大茅山獨高處黑帝命東海神理大銅鼎於山頂深八尺上有盤石鎮之黑帝即顓頊也又曰秦始皇帝三十七年遊會稽還登句曲北垂山埋白璧一雙深七尺李斯篆刻文云始皇聖德平章江山巡狩蒼川勒銘素壁又曰王莽地皇三年七月遣使者章邕齋黃金白玉銅鐘五口贈三茅君光武建武七年三月遣使者吳倫齋黃金五十斤玉帛

獻三茅君今山頂有理金處上有聚石又曰中茅山獨
高處司命君埋西胡玉門丹砂六千斤深二丈上有盤
石鎮之其山左右泉流下皆小赤色飲之延年益壽左
真人就司命君乞得一十二斤以合九華丹山頂石壇
石案香爐今存今三陽百姓多長壽者蓋太陽北陽朱
陽三村耳茅君內傳句曲山秦時華陽之天漢宣帝時
三茅君居之遂名茅山內有積金山山因以金為壇號周
時名其源澤為曲水之穴秦時名句金之壇似已字故
以句曲名焉真誥曰金陵句容之句曲洞為第八洞天
又曰句曲地肺土良水清可以度世種民是處五災不
干又曰金陵者洞虛之膏腴句曲之地肺履之者萬萬
知之者無一按茅山志茅濛字初成華陽人也隱華山
修道秦始皇三十一年白日上昇是時有民謠曰神仙
得者茅初成駕龍上昇入太清時下玄洲戲赤城繼世
而往在我盈始皇聞之問故老答曰此仙謠也於是
有尋仙之意濛之玄孫盈得道於金陵句曲山上升為東

嶽上卿司命真君太元真人居赤城時來句曲弟茅固
茅衷皆得道於此邦人改句曲為茅君山洞天福地記

福地七十二地肺為第一即金陵是也金陵之地水至
即浮故比之於肺抱朴內篇別有地肺山乃玉留嶼又

商山亦名地肺山中有大茅峰山頂有聖祐觀奉大茅
今以內傳為正君真應真君峯北華陽

洞之東有崇禧萬壽宮中茅峰山頂有德祐觀奉中茅
東南有崇壽華陽二觀君妙應真君西有昇元

觀舊為白鶴廟與祠宇宮小茅峰山頂有仁祐觀奉小
相鄰清真觀在大羅源茅君神應真君與德

祐聖祐二觀皆抱朴峰大茅峰中茅峰西有五雲
延祐三年定額峰北白雲崇福觀

峰小茅峰側積金峰大茅中茅二峰間陶隱居弘景所
有五雲觀住有元符萬寧宮華陽宮天聖觀

栖真壘玉峰大茅東南華蓋峰在崇壽四平山大茅西
觀有藏真觀觀東南四平山南俗稱

方良常山茅山北垂華姥山大茅崇禧宮南鬱岡山小茅峰東北龍

尾山大茅東東方山東連几山伏龍山在柳汧之間雷平山

伏龍山東方隅山雷平山東北秦望山良常山東北丁公山

積金山山西自大茅山南後韭山竹山吳山連峰疊嶂達

乎吳興天目諸山許邁所謂洞庭西門潛通五嶽洞庭即今


太湖弘景亦云三茅山東通王屋西達峨嵋南接羅浮


北連岱嶽朱文公謂岷山之脈由衡山南出而東度大


庾嶺者包彭蠡之源而北盡乎建康然則茅山形勢實

與西蜀岷山峨嵋相為首尾蔣山金陵特其脈之盡者
其為揚州之鎮山為江南之名藩會府豈不宜哉詳見
後山川志

蔣山圖







蔣山圖攷

鍾山一名蔣山在城東北一十五里周迴六十里高一
百五十八丈東連青龍山西接青溪南有鍾浦下入秦
淮北接雉亭山漢未有秣陵尉蔣子文逐盜死事于此
吳大帝為立廟封曰蔣侯大帝祖諱鍾因改曰蔣山唐

地理志江南道其名山衡廬茅蔣

輿地志古金陵山也
縣邑之名由此而立

金陵地記云秦始皇時望氣者云金陵有天子氣乃埋
金玉雜寶於鍾山又云蔣山本少林木東晉令刺史罷
還種松百株宋時諸州刺史罷職還者栽松三千株下
至郡守各有差山之最高峰北有五願樹乃柞木也庾

闡揚都賦元帝渡江望氣者云蔣山上紫氣時時晨見
宋散騎常侍劉劭經始鍾嶺之南以為棲息聚石蓄水
朝士雅素者多從之游又雷次宗元嘉中開館雞籠山
文帝為築室於鍾山西巖下謂之招隱館齊周顒於鍾
山西造草堂寺以處僧慧約寺即顒所居梁武帝於鍾
山西置大愛敬寺江表上已多游於此侯景反邵陵王
綸率西豐公大春等馬步三萬發自京口直據鍾山景
黨大駭具舟欲逃阮孝緒因母疾用藥須得生人葭舊
傳鍾山所出孝緒躬歷幽險累日不獲忽一白鹿導前
行至一所不見就求之果得陳大寶元年齊軍潛至鍾
山龍尾進至幙府山唐大厯中處士韋渠牟亦隱於此
號遺名子顏真卿題其所隱之堂曰遺名先生三教會
宗 山內舊有定林庵 宋王荆公安石嘗讀書於此米元
章榜曰昭文齋李伯時寫荆公真
像於壁楊次公為之贊霜筠
雪竹二庵皆在蔣山寺左 寰宇記云自梁以前立佛

寺七十所今山南有太平興國禪寺

梁武帝天監十三年以定林寺前岡

獨龍阜葬誌公永定公主以湯沐之資造浮圖五級於其上前記云塔名玩珠取龍玩珠之義十四年即塔前建開善寺今寺乃其地也唐乾符中改為寶公院南唐昇元中徐德裕重修後主又改為開善道場至宋太平興國五年改賜今額慶歷二年葉清臣奏為十方禪院王荆公安石為相退居鍾山為帥守者多其門人寺宇益增大後屢經火泰定二年正月再燬今重建特盛有翰林學士虞集撰記詳見祠祀志新建大崇

禧萬壽寺

泰定四年潛邸初建近有望江亭御史中丞趙世延撰記詳見祠祀志

其山峰

秀者有屏風嶺

巧石青林幽邃如畫在古明慶寺前

山之東八功德水

在悟

真庵後梅摯記云梁天監中有胡僧寓錫山中乏水時有麗眉叟謂曰余山龍也知師渴飲措之無難俄而一

沿沸出後西僧繼至云本域中八池已失其道卿巖在

一自梁以來嘗取給御府云飲之可以愈疾八
功德水後半嶺間宋太守葉清臣寶公塔西二里有洗

字道卿嘗游其間因以其字名巖
鉢池興國寺西有道光泉熙寧八年僧道光所斲得名

宋熙泉近宋熙寺基之左今蔣山興國寺日用此泉其東山顛有定心石下

臨峭壁寺西百餘步有白蓮庵庵前有白蓮池乃北高

峰絕頂有一人泉僅容一勺多挹之不竭桂嶺六朝事類云在楊

梅峴栽松峴皆以其樹得名猿驚鶴怨二谷好事者所加道家八洞

天之外有三十六洞天其一朱湖洞天在鍾山又有太

子巖

梁昭明太子嘗讀書於此又名昭明書臺今為七佛庵一人泉在其東

梁侍中周捨

立靜壇與道士塢相對

武帝問其壇如何對曰風不鳴條雲無膚寸鹿巾黃帔甚多白

簡未衣罕至因名靜壇道士塢在古明慶寺前與八功德水相近則靜壇當在其處乾道志壇在鍾山南巖上

慶元志梁天監十三年築西靜壇於鍾山下事迹曰道士塢在明慶寺前有道觀即陳宣帝禮玄靖臧兢處在

寶公塔東桃花塢在寶公塔西北舊有桃花甚盛今不復存矣茱萸塢在

蔣山南平坡中舊有茱萸園宋道士陸修靜餌茱萸於此此皆山之

勝處也


大龍翔集慶寺圖


大龍翔集慶寺


大龍翔集慶寺

五大金陵新志

五十四







抄白

長生天氣力裏大福廕護助裏皇帝聖旨行中書省行
御史臺行宣政院官人每根底宣慰司廉訪司官人每
根底軍官每根底軍人每根底管城子底達魯噶齊官
人每根底來往的使臣每根底衆百姓每根底衆和尚
每根底宣諭的聖旨青吉斯皇帝諤格德依皇帝色辰皇
帝諤勒哲圖皇帝庫魯克皇帝布延圖皇帝格根皇帝
呼圖克圖皇帝濟雅圖皇帝伊呼哲伯皇帝聖旨裏和尚
每伊囉勒昆先生每教不棟甚麼差發休當者告天祝壽者
麼道有來如今依在先底聖旨體例裏不棟甚麼差發
休當者告天與咱每祝壽者麼道濟雅圖皇帝為報祖
宗教萬民得濟的上頭集慶路裏起蓋了大龍翔集慶
寺教廣智全悟大禪師笑隱長老做住持委付了選有
本事的好和尚住坐依著百丈清規體例裏交海會雲
堂裏坐禪旃檀林裏早晚念經者依著釋迦牟尼佛的

體例行者祝壽者麼道咱每這大龍翔集慶寺江南田地裏有的五山教這寺在五山之上者這寺裏首尾藏主等頭首委付來的和尚每提調的官人每依著五山體例裏各路分裏有的寺院闕住持呵資次裏住持委付者不揀是誰休將別箇和尚說好這寺裏休分付者麼道聖旨行了有來至今他每五山寺不曾定體麼道聽得來如今笑隱長老根底加與釋教宗主的名分兼領五山寺者今後這寺裏住持於五山寺本宗派住時長老內選擇委付者濟雅圖皇帝潛邸時分坐地的房子裏蓋來的寺院比別箇寺不同奉聖旨官錢內這寺裏與來做常住的田土稅糧休納者雜泛差發休當者麼道不揀甚麼勾當依著濟雅圖皇帝已了的聖旨定例行者執把的聖旨與了也這寺家房舍裏使臣每休安下者鋪馬祇應休與者休斷公事者俗人每休爭競者但屬這寺裏的田土碾磨店鋪解典庫浴堂人口頭及河泊船隻蘆場等不揀甚麼他每的不揀是誰休奪

要者休倚氣力者這寺裏辨常住其間廉訪司有司添
氣力成就者休沮壞者這般宣諭了呵別了的人每有
罪過者這廣智全悟大禪師釋教宗主笑隱長老等和
尚每有聖旨麼道不干礙自己的勾當做主呵沒體例
的勾當行呵他每更不怕那聖旨至元元
年閏十二月十五日大都有時分寫來

曹南王祠堂圖

缺圖

欽定四庫全書

至大金陵新志

五十七

抄白

至正元年閏五月初六日本路奉江浙等處行中書省
劄付准中書省咨禮部呈承奉中書省判送至元六年
十月十二日奏過事內一件托歡平章文書裏說有父
阿勒哈世祖皇帝時分與已延丞相等統領蒙古兵馬
征討亡宋既而歸還復平額呼布格并河西叛賊阿蘭
岱爾等屢立奇功名上頭賜與曹南王名分來如蒙照
依已延丞相例於集慶路起蓋祠堂麼道與文書的上
頭交禮部官與太常禮儀院官一同定擬呵曹南王阿
勒哈與淮安河南二王一體有功立祠堂的說有依部
家定擬來的行呵怎生奏呵奉聖旨那般者欽此覆奉
都堂鈞旨連送禮部議得中書省托歡平章父曹南王
阿勒哈開國功臣建立祠堂致祀既太常禮儀院檢照
集議明白即與淮安忠武王事係一體合依本院所擬
欽依於集慶路官為起蓋祠堂所據供祭田土比依前

例量擬減半於本路係官田內撥賜一十頃以酬勲節如蒙准呈宜從都省詳酌聞奏相應具呈照詳得此至正元年二月初八日伊克集賽第二日興聖殿裏後寢殿東耳房裏有時分舒庫爾齊曼濟畢舍哩道拉實院使伊勒都齊巴延特穆爾殿中哈瑪爾給事中特穆爾布哈等有來衆省官每商量了畢爾齊巴哈平章阿魯叅政蒙古畢舍哩哈喇特穆爾等奏過事內一件昨前托歡平章父曹南王阿勒哈根底起蓋祠堂者麼道有聖旨來交禮部定擬呵與淮安忠武王事係一體如今教集慶路官不以其係官錢內起蓋與祠堂於本路官田地內撥賜與一十頃的說有依部家定擬來的行呵怎生奏呵奉聖旨那般者欽此除外都省咨請照驗欽依施行准此省府仰欽依不以其係錢內先儘官有見在委官從省計料合用木物工程具實開坐申省奉此行下錄事司計料木物工程委自錄事判官巴延徹爾提調相視丈量得正北隅柴街寶戒寺側係官空地一十

五畝一分四釐於本路係官錢內放支官錢收買木物
委自本路判官周堯上元縣達魯噶齊諾海提調入匠
起蓋祠堂殿宇廊房山門後堂裝塑完備
春秋戊日致祭餘見後年表及祠祀志

至大金陵新志卷一

欽定四庫全書

至大金陵新志卷二

元 張鉉 撰

金陵通紀

禹貢淮海惟揚州

禹別九州由夏迄周雖嘗更為十二而揚州無所易其地北據淮南距海

職方氏東南曰揚州

在天官為星紀之次其星斗牽牛婺女史記

湖牽牛婺女揚州又曰甲乙四海之外不占丙丁江淮海岱隋書揚州為淮海之地在天官自斗十二度至須女七度為星紀於辰在丑吳越得其分野晉書引春秋元命包云牽牛流為揚州分為越國立為揚山以為江

南之氣勁厥性輕揚亦曰州界多水水波揚也於古則荒服之國戰國時具地為楚分今按此專言荒服非也夏殷之制畿甸之外有綏服要服荒服相去各千里夏都安邑殷都亳五遷末遷朝歌揚州亦為要服之國

其川三江其浸五湖職方解曰三江以為險五湖以為浸史記索隱曰地理志北江從會稽毗陵縣北東入海中江從丹陽蕪湖縣東北至會稽陽羨縣東入海南江從會稽吳縣南東入海故禹貢有

北江中江也五湖者郭璞江賦註云具區洮滬彭蠡青草洞度又云太湖周五百里故曰五湖今洮湖在溧陽

與太湖通金陵蓋當其會焉金陵東南據山西北距江阻淮當江淮湖海之交會故潮汐再

至其山茅蔣朱文公云岷山之脉其一支為衡山者盡於九江之西具一支又南而東度桂嶺者

則包湘源而北經潭袁之境以盡於廬阜其一支又南而東度大庾嶺者則包彭蠡之源以北盡乎建康其一

支則又東包浙江之源北其首以盡會稽南其尾以盡
乎閩粵唐地理志江南道名山衡廬茅蔣今按山勢自
廣德溧陽而下由茅而蔣二山蓋金
陵鎮山也茅蔣山名見後山川志 其國為吳而占在

斗其建都邑休祥之祲見於辰極

晉書丹陽郡入斗十
六度通典曰在天官

於斗則吳之分野史記秦伯之奔荆蠻自號勾吳索隱
荆者楚之舊號蠻者南夷之名地在楚越之界故稱荆
蠻晉書歲鎮在斗牛吳越之福義熙十四年彗出天津
入太微經北斗絡紫微明年有星孛於太微西藩劉裕
尋篡 三代以前帝王有都之者不可攷矣

路史循蜚紀
大敦巫常間

有雲陽氏是為陽帝著迹於馮翊之甘泉而丹徒有雲
陽嶺蓋穴處之世董覽吳地記云曲阿秦時曰雲陽嶺
太史言東南有天子氣始皇發赭徒三千鑿雲陽之北
岡曲之因曰曲阿吳岑昏鑿丹徒至雲陽杜野小辛間

而陳勲屯田鑿句容中道至雲陽西城則所謂破岡瀆也十道志言雲陽氏古之仙人遁甲開山圖以為雲陽先生之墟可以長往可以隱處又云陽石山中有神龍池黃帝時雲陽先生養龍於此為歷代養龍之處水旱不時祀之中有神書鐵券玉石之記今茅山有龍池古仙人多游其中豈非即雲陽氏之居乎唐杜佑以丹陽為古雲陽其說近是羅泌謂在長沙茶陵又謂陽石山在絳北以山川形勢言之非也黃帝後少昊亦曰雲陽氏

周元王四年當魯哀公之二十三年越勾踐滅吳命范

蠡城而居之稱伯江淮

今越城是也勾踐滅吳命蠡城金陵之長干北會齊晉諸侯於

徐州致貢於王賜之胙而命為伯東諸侯畢賀號稱伯王後七代一百四十三年無疆立而與齊楚爭強為楚

滅所楚人敗越城石頭曰金陵邑時楚地東極於海

周顯王三

十六年楚王熊商敗越王無疆盡取吳故地乃因山立號置金陵邑今石頭城是事見吳越春秋建康實錄又云地接華陽金壇之陵故號金陵或云威王及秦始皇皆以此地有王氣埋金鎮之故名金陵恐非見末卷金陵辨
秦人兼六國以楚金陵地為鄣郡改金陵曰秣陵又

鑿鍾阜斷長隴以泄其氣

史記秦始皇二十五年滅楚明年分天下為三十六郡置

守尉監始以金陵為鄣郡治故鄣三十七年東遊還過吳從江乘渡實錄及前志云望氣者言五百年後金陵有天子氣因鑿鍾阜斷金陵長隴以通流至今呼為秦淮乃改金陵邑為秣陵縣今江寧縣城東南六十里秣陵橋東北故城是也
漢初以封楚王韓信荆王劉賈吳王劉濞皆

大國也武帝以江都地封廣陵王胥其策文曰大江之

南五湖之間則金陵亦在其境

晉書漢景帝四年封皇子非為江都王并得鄣

會稽郡而不得豫章武帝改江都曰廣陵封子胥為王而以屬徐州今按史記載胥冊文曰於戲小子胥受茲

赤社朕承祖考維稽古建爾國家封於南王世為漢藩輔古人有言大江之南五湖之間其人輕心揚州保疆

三代要服不及以政於戲悉爾心戰戰兢兢乃惠乃順母侗好佚毋邇宵人維法維則書云臣不作威不作福

靡有後羞於戲保國艾民可不敬與王其戒之後胥果與楚王謀反祝詛自殺國除然自元封二

年改鄣郡為丹陽以隸揚州其屬有秣陵江乘諸縣訖

後漢無所更易

漢書武帝元封二年始置郡刺史廢鄣郡置丹陽郡屬揚州統縣十七江乘秣

陵故鄣句容漂陽隸焉王莽改為宣亭郡東漢以丹陽郡統十六城移治宛陵而揚州不改

孫權據

有江東築城石頭改秣陵為建鄴用張紘諸葛亮之言

自武昌徙都之西敗蜀北拒曹操號令行乎交廣

自秦始皇

三十七年辛卯東巡至吳主孫權元年庚子四百二十年前志吳侯孫策府在建鄴建安十三年孫權分丹陽郡立新都郡十六年權自京口徙治秣陵十七年城楚金陵邑地號石頭改秣陵為建鄴張紘曰金陵地勢岡阜連石頭秦始皇以有王者都邑之氣故掘斷連岡改名秣陵今處所具存地有其氣天之所命宜為都邑諸葛亮亦曰鍾阜龍蟠石城虎踞真帝王之宅權黃龍元年自武昌徙都建鄴交趾嶺南牧守皆吳署置

吳

亡晉改建康元帝渡江修揚州府城為都

晉武帝太康元年平吳廢

建鄴為秣陵後析為二縣愍帝諱業改建康自始皇三十七年辛卯至元帝以永嘉丁卯渡江五百一十七年

王敦創築揚州城所謂西州城者其東北府舍
即吳大初宮址石水所造元帝因修為宮城
時衣冠

禮樂萃於江左天下望為正統

符堅欲伐晉其臣諫以晉為正統所在齊高歡

之言亦然

其盛也有天下三分之二并涼幽燕奉晉正朔餘

三十年海島諸夷皆常朝貢其戰勝攻取符堅以數十

萬衆敗於淝水

涼州張軌燕慕容廆父子事晉歷元明成康穆五帝皆奉正朔燕借號而張氏

終為晉臣孝武帝太元八年苻堅大舉兵入寇謝石謝玄桓伊等大破之於淝水收復河南北諸郡劉裕

削平內難遂滅燕秦收其彝器悉送建康與拓跋氏

以河為境其勢蹙爭戰恒在兗豫之郊

祖逖守雍丘石勒畏之逖卒而

河南陷于後趙桓溫破姚襄取洛陽未幾陷于燕並青
兗冀失之謝玄破苻堅與朱序取河南北諸郡桓玄之
亂復為姚秦所陷安帝元興三年劉裕誅桓玄義興五
年裕滅南燕取青兗之地十三年滅後秦擒姚泓復取
河南闕陝宋興魏人南侵疆土日蹙元嘉中
文帝北伐無功自是河北河南皆入於魏 宋齊梁陳

仍晉舊都號京輦神臯者幾三百年而合于隋齊書揚州京輦

神臯郭璞言江東分王三百年復與中國合按晉元帝
永嘉元年丁卯自下邳移鎮建鄴大興元年戊寅即帝
位至隋開皇九年己酉凡二 隋文帝平陳夷其城郭以
百七十二年而天下混一

石頭為蔣州暨改州為郡復名丹陽唐書隋以州為郡依漢制置太守以

司隸刺史相統治末年以江都為揚州置總管
府以句容屬焉自後揚州之名專於江都始此 沈法興

李子通輔公柘皆嘗據之為亂

唐高祖武德元年吳興太守沈法興據江表十

餘郡自稱江南道大總管置百官三年李子通攻敗之丹陽毗陵等郡皆降子通唐以和州總管東南道行臺尚書令楚王杜伏威為使持節總管江淮以南諸軍事揚州刺史子通拒之大敗江南之地盡入於伏威伏威徙居丹陽六年伏威入朝而輔公柘據城反稱唐初置行臺尚

書省丹陽以總征伐尋廢行臺為揚州大都督徙治江

北武德七年以趙郡王孝恭為東南道行臺右僕射尋廢行臺為揚州大都督李靖為長史八年襄邑王神符自丹陽徙州府及居民於江北太宗分天下為十道以古揚州南境

及荊州之半為江南道江寧嘗置郡又改昇州

肅宗至德二載

以潤州江寧縣置江寧郡乾元元年改昇州地理志曰
江南道蓋古揚州南境漢丹陽會稽豫章廬江零陵桂
陽等郡長沙國及牂牁江夏南郡地潤昇常蘇湖杭睦
越明衢處婺溫台宣歙池洪饒吉袁信撫福建泉汀漳
為星紀分岳鄂潭衡水道郴邵黔辰綿施叙獎夷播思
費南溪溱為鵝尾分為州五十一縣二百四十七其名
山衡廬茅蔣天目天台會稽四
明括蒼縉雲金華大庾武夷
末年封楊行密吳王昇

為吳地徐溫擅吳改昇州為金陵府大其城郭

昭宗天復二年

封楊行密為吳王行密破馮弘鐸取昇州天祐十四年
徐溫以金陵形勢戰艦所聚自以淮南行軍副使領昇
州刺史命假子知誥往治之武義二年改金陵府楊溥
順義元年金陵城成乾貞二年知誥廣金陵城二十里
按今城遺址是也
溫假子知誥篡吳建國號唐改金陵為江寧

府復為都者三十九年而降于宋

吳天祚二年石晉天福元年也知誥以金

陵為西都尋改為江寧府建國號唐復姓李更名昇三主三十九年宋開寶八年曹彬定江南宋滅南

唐復為昇州尋陞江寧府建康軍節度仁宗由昇王為

太子暨即位以昇為大國不以封諸皇子其守臣恒以

宰執近臣為之

宋天禧二年封壽春郡王為昇王嘉祐四年翰林學士胡宿言陛下建國於昇

宜進昇為大國無得封從之張士遜王安石咸以宰相判江寧府南渡後其選尤重高宗南渡改

建康府即府治為行宮設留守以守臣兼之而安撫制

置總領轉運提領御前馬步軍諸司皆治于此江東淮

西諸郡咸聽節制

宋建炎三年改建康府紹興二年以府治為行宮遷府治於行宮之東南

隅今臺署是也又江東安撫司沿江制置司淮西總領所江東轉運司江淮提領所江淮都督府御前馬步軍

諸司皆治于此詳見後官守志至元乙亥春大兵初下江南即建康府

治開省設建康宣撫司江東建康道提刑按察司又設

江東道宣慰司江淮等處行樞密院皆於建康開府元至

十二年乙亥春二月宋相賈似道兵潰於丁家洲太平州守臣孟之縉迎降沿江制置知建康府事趙潛聞兵

至柰城與淮西總領所官費伯恭轉運等官相繼潛遁馬步軍副總管沿江都統權司徐王榮及翁都統帥軍

民僧道詣太平州納款行省遣呂文煥及招討索多按察副使焦寬甫齋榜文撫喻軍民是月二十七日巴延

丞相阿珠平章等官領兵入城於建康府治玉麟堂開省調兵立建康宣撫司以萬戶廉希愿招討索多孟之緡行江東宣撫司事招納降附至元十三年置江東宣慰司希愿及叅知政事阿嚙罕亳州萬戶張弘範皆嘗兼宣慰使亦於府治置司明年又設江東道提刑按察司於前宋馬步司置司後徙轉運司至元二十二年移行樞密院建康總攝江淮等處出征軍馬即居宣慰司治所今臺治是也

宣撫司尋改為建

康路總管府隸宣慰司以達江浙行省其按察司亦改

名肅政廉訪司以避行臺遷治寧國路而江南諸道行

御史臺由揚州三徙卒治建康

至元十四年改立建康路總管府仍以廉希愿

兼本路總管府達魯噶齊親管司縣隸宣慰司行御史臺本年始於揚州初立按治江淮諸道二十一年移杭

州二十二年春議遷江州夏再遷杭州是秋移江東按
察司治宣州而行臺自杭州移治建康二十六年臺自
建康再移揚州按察司遷建康二十八年改肅政廉訪
司二十九年以兩淮山南三道隸中臺而行臺還治建
康始名江南諸道行御史臺江東廉訪司仍
移寧國路寧國即宣州改名詳見後官守志

天下大定

蒙古漢軍分翼鎮守益都新軍萬戶府自寧國移鎮本

路行樞密院及江東宣慰司相繼併省

至元二十九年湖廣平章達爾

罕等累言軍民分政不便三十一年用丞相淮安忠武王言罷行樞密院大德元年益都新軍萬戶府自寧國移鎮本路三年二月

行御史臺統按三省十道其地即

例革江東宣慰司

唐之江南道沂江漢以南西接牂柯夜郎南極朱厓海

島羈縻之地文官武臣星羅鱗次皆行臺總其綱紀而

黜陟之

三行省江浙治杭州路江西治龍興路湖廣治武昌路十道肅政廉訪司本名按察司至元二

十八年更今名江東建康道治寧國江西湖東道治龍興江南浙西道治杭州浙東海右道治婺州江南湖北道治武昌嶺北湖南道治天臨海北廣東道治廣州嶺南廣西道治靜江福建閩海道治福州海北嶺南道治雷州

視古岳牧之任優矣而建康路以至順元年例改集

慶路今統二州三縣一司比京畿例與陝西之奉元路

皆徑隸行御史臺按治監察御史歲一再出行所屬州


縣觀省風俗糾其違闕異於他郡

某慶路統溧陽溧水二州江寧上元句容

三縣錄事司治府城中
其沿革見後官守志

論曰秦漢以來稱帝王之都有三曰長安曰洛陽曰金陵其地皆阻山帶河有商邑翼翼之規其經營卜宅也咸自以為金城湯池厯禩無窮而俄然為墟此豈非在德不在險之效哉孟子曰天時不如地利地利不如人和又曰三代之得天下也以仁其失天下也以不仁察其興壞之端有足慨者閒以今廣輪疆理較禹貢職方揚州之域地或犬牙臨制聖人畫野設官有深意焉乃

本其所以得為都者論著之而疆理析置官守沿革各
具其篇云



至大金陵新志卷二